

第四五七册

博物彙編

藝術典

醫部

(卷)
四七—四八

古今圖書集成

中華書局影印



古今圖書集成

卷一百一十五

小兒初生諸疾門一

黃帝素問 奇病論篇

孫思邈千金方

錢乙小兒直訣

張從政儒門事親

朱震亨心法

幼科全書

方賢奇效良方

萬氏祕傳片玉心書

幼科發揮

育嬰家祕

初生出腹論 驚刺 變蒸論

驚啼 變蒸 吐瀉 夜啼 驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

驚風 胎黃 諸運 行遲齒遲

下夫精以養胎而精氣并居者也母受驚而氣上則子之精氣亦逆故令子發為巔疾也愚謂巔當作癲按嬰兒癲癇多因母腹中受驚所致然癲疾者逆氣之所生也故因氣上逆而發為癲疾兆瑣曰胎中受病非止驚癲姙娠女子飲食起居大宜謹慎則生子聰俊無病長年

唐孫思邈千金方

初生出腹論

小兒初生出腹骨肉未斂肌肉猶是血也血凝乃堅成肌肉耳其血沮敗不成肌肉則使面目繞鼻口左右悉黃而啼閉目聚口撮面口中乾燥四肢不能伸縮者皆是血脈不斂也多不育若有如此者皆宜與龍膽湯也

兒生落地不作聲者取煖水一器灌之須臾當啼兒生不作聲者此由難產氣少故也可取兒臍帶向身却捋之令氣入腹仍呵之至百度啼聲自發亦可以葱白徐徐鞭之即啼

兒生十許日怒啼似衣中有刺者此或臍燥還刺其腹當解之易衣更裹仍以溫粉粉之若臍不愈燒絳帛末粉之若過一月臍有汁不愈燒蝦蟆灰粉之日三四度若臍中水及中冷則令兒腹絞痛天紅啼呼面目青黑此是中水之過當炙粉絮以熨之不時治護臍至腫者當隨輕重者便灸之乃可至八九十壯輕者臍不大腫但出汁時時啼呼者擣當歸末和胡粉傅之炙絮日熨之至百日愈以啼呼止為候初生小兒針灸不可妄施茲云灸之可至八九十壯雖今古異宜亦須斟酌若兒黃青者冷也與臍中水同

乳哺不進者腹中皆有痰癖也當以四物紫丸微下之節哺乳數日便自愈小兒微寒熱亦當爾利之要當下之然後乃痊

驚癇

新生即癇者是其五臟不收斂血氣不聚五臟不流骨怯不成也多不全育其一月四十日已上至期歲而癇者亦由乳養失理血氣不和風邪所中也病先身熱掣攣驚啼叫喚而後發癇脈浮者為陽癇病在六腑外在肌膚猶易治也病先身冷不驚掣不啼呼而病發時脈沉者為陰癇病在五臟內在骨髓極難治也

初出腹血脈不斂五臟未成稍將養失宜即為病也時不成人其經變蒸之後有病餘證並寬惟中風最暴卒也小兒四肢不好驚掣氣息小異欲作癇及變蒸日滿不解者並宜與龍膽湯

凡小兒不能乳哺當與紫丸下之小兒始生生氣尚盛但有微惡則須下之必無所損及其愈病則致深益若不時下則成大疾疾成難治矣凡下四味紫丸最善雖下不損人足以去疾若四味紫丸不得下者當以赤丸下之赤丸不下當倍之若已下而有餘熱不盡當按方作龍膽湯稍稍服之并摩赤膏風癇亦當下之然當以猪心湯下之驚癇但按圖灸之及摩生膏不可大下也何者驚癇心氣不定下之內虛益令甚爾驚癇甚者特為難治故養小兒常慎驚勿令聞大聲抱持之間當安徐勿令驚怖又天雷時當塞兒耳并作餘細聲以亂之也凡養小兒皆微驚以長其血脈但不欲大驚大驚乃灸驚脈若五六

藝術典第四百二十七卷

醫部彙考四百七

小兒初生諸疾門一

黃帝素問

奇病論篇

帝曰人生而有病巔疾者病名曰何安所得之岐伯曰病名為胎病此得之在母腹中時其母有所大驚氣上而不下精氣并居故令子發為巔疾也此女子胞之為病也有所大驚則氣暴上而不

十日灸者驚復更甚生百日後灸驚脈乃善

變蒸論

凡兒生三十二日一變六十四日再變變且蒸九十六日三變一百二十八日四變變且蒸一百六十日五變一百九十二日六變變且蒸二百二十四日七變二百五十六日八變變且蒸二百八十八日九變三百二十日十變變且蒸三百二十日小蒸畢後六十四日大蒸蒸後六十四日復大蒸蒸後一百二十八日復大蒸凡小兒自生三十二日一變再變爲一蒸凡十變而五小蒸又三大蒸積五百七十六日大小蒸都畢乃成人小兒所以變蒸者是榮其血脉改其五臟故一變竟輒覺情態有異其變蒸之候變者上氣蒸者體熱變蒸有輕重其輕者體熱而微驚耳冷尻冷上脣頭白泡起如魚目珠子微汗出其重者其體壯熱而脈亂或汗或不汗不欲食食輒吐呢目白睛微赤黑睛微白又云目白者重赤黑者微變蒸畢自精明矣此其證也單變小微兼蒸小劇凡蒸平者五日而衰遠者十日而衰先期五日後期五日爲十日之中熱乃除耳兒生三十二日一變二十九日先期而熱便治之如法至三十六七日蒸乃畢耳恐不解了故重說之且變蒸之時不欲驚動勿令傍多人兒變蒸或早或晚不如法者多又初變之時或熱甚者連日數不歇審計變蒸之日當其時有熱微驚慎不可治及灸刺但和視之若良久熱不可已少與紫丸微下熱歇便止若於變蒸之中加以時行溫病或非變蒸時而得時行者其診皆相似惟耳及尻通熱口上無白泡耳當先服黑散以發其汗汗出溫

粉粉之熱當歇便就寢若猶不都除乃與紫丸下之兒變蒸時若有寒加之即寒熱交爭腹腰天紅啼不止者熨之則愈也變法即灸若非變蒸身熱耳熱尻亦熱此乃爲他病可作餘治審是變蒸不得爲餘治也

又一法凡兒生三十二日始變變者身熱也至六十四日再變變且蒸其狀臥端正也至九十六日三變定者候丹孔出而泄至一百二十八日四變變且蒸以能咳笑也至一百六十日五變以成機關也至一百九十二日六變變且蒸五機成也至二百二十四日七變以能匍匐也至二百五十六日八變變且蒸以知欲學語也至二百八十八日九變以亭亭然也凡小兒生至二百八十八日九變四蒸也當其變之日慎不可妄治之則加其疾變且蒸者是兒送迎月也蒸者甚熱而脈亂汗出是也近者五日歇遠者八九日歇也當是蒸上不可灸刺妄治之也宋錢乙小兒直訣

胎驚

小兒初生壯熱吐呢身體強直手足抽掣目反直視是胎驚風證也

註按前證多因娠婦忿怒驚恐調攝乖常或挾外邪內傷於胎蓋母有所觸胎必感之常用猪乳膏拭兒口中或用惺惺散加漏蘆令母煎服使藥通乳中兒病自愈矣

百日內發搐真者不過兩三次必死假者頻發不死真者內生驚癇假者外傷風冷血氣未實不能勝任故發搐口中氣熱用大青膏塗顙浴體二法

註按前證多因胎中受患或乳母鬱怒傳兒或兒脾傷自病當固元氣爲主而兼治其母仍參吮乳不能類治之後做此

變蒸

小兒在母腹中乃生骨氣五臟六腑成而未全自生之後即長骨脈五臟六腑之神智也變者易也自內而外自下而上又身熱故以生之日後三十二日一變蒸即智意有異於前何也長生臟腑智意故也何謂三十二日長骨添精神人有三百六十五骨除手足中四十五碎骨外有三百二十數自生下骨一日十段而上之十日百段而三十二日計三百二十段爲一變亦曰一蒸骨之餘氣一自腦分入眼中作三十二齒而齒牙不及三十二數者由變不足其常也或二十八日即長二十八齒已下做此但不過三十二之數也凡一周遍乃生虛熱諸病如是十周則小蒸畢也計三百二十日生骨氣乃全而未壯也故初三十二日一變生腎生志六十四日再變生膀胱其發耳與聾冷腎與膀胱俱主於水水數一故先變生之九十六日三變生心喜一百二十八日四變生小腸其發汗出而微驚心爲火火數二百六十日五變生肝哭一百九十二日六變生膽其發目閉目不而赤肝主木木數三百二十四日七變生肺聲二百五十六日八變生大腸其發膚熱而汗或不汗肺者金金數四百八十八日九變生脾智三百二十日十變生胃其發不食腹痛而吐乳此後乃齒生能言知喜怒故云始全也太倉云氣入四肢長碎骨於十變後六十四日長其經脈手足手受血故能持

物足受血故能行立也經云變且蒸謂蒸畢而足一歲之日也師曰不汗而熱者發其汗大吐者微止不可餘治是以小兒須變蒸然齒者如花之易苗所謂不及三十二齒者由變之不及齒當與變日相合也年壯而視齒方明

按小兒變者變其情態蒸者蒸其血脉故三十二日一變每變畢則情態異常全嬰方論云變蒸者以長氣血也變者上氣蒸者發熱也輕則體熱虛驚耳冷微汗脣生白泡三日可愈重者寒熱脈亂腹疼啼叫不能乳食食即吐現五日方愈古方以黑散子紫九子主之竊謂此證小兒所不能免者雖勿藥可也况前藥乃屬峻厲非惟臟腑不能勝抑且反傷氣血慎之慎之予嘗見一小兒至二變發熱有痰投以抱龍丸一粒卒至不救觀此可驗矣若不熱不驚略無證候而暗變者蓋受胎氣壯實故也然其候與傷寒相似但以脣上白泡驗之亦有受胎氣壯實不熱不驚或無證候而暗變者不必服藥然父母愛子之心勝稍有疾病急于求醫而醫不究病情率爾投劑殊不知病因多端見證相類難以卒辨况古人稟厚方多峻厲之劑慎服可也

吐瀉

初生十日內吐瀉壯熱不乳或乳不消或白色先用白餅子下之後用益黃散和之

初生下吐因穢惡下咽故也用木瓜丸主之凡初生急須拭淨口中否則啼聲一發穢物嚥下致生諸病

按芽兒初生之患多因乳母不慎七情不節厚

味傳兒為病當審其因以調治其母前所用之藥恐臟腑脆嫩不能勝受治者審之

夜啼

夜啼者小兒筋骨血脉未成而多哭脾臟冷而痛也當與溫中藥或花火膏主之若虛怯為冷所乘則腎青

按前證多因稟賦不足或乳母飲食七情虧損所致若面色白及白睛多者屬腎氣不足至夜則陰盛而腹痛也用六味丸若臉青脣白或小便黃短屬脾氣不足至夜則陰盛而腹痛也用釣藤散若臉紅舌白或小便赤濁小腸熱也用導赤散加辰砂如不應屬腎火用地黃丸腎色青白口中氣冷或肢體冷或泄瀉曲腰或泄瀉不乳此脾腎虛弱用六神散兼嘔吐用六君子湯大便不化乳少腹脹用五味異功散加漏蘆令母服之兒病自愈兒亦服四五滴尤妙兒大數滴

驚啼

驚啼者邪氣乘心也當以安神丸主之

按哭而不啼多泪是驚悸也啼而無泪是痛也若因心血不足用秘旨安神丸心火熾盛用導赤散木火相搏用柴胡梔子散肝血不足用六味丸所云十啼者蓋亦大同小異耳

撮口

若浴後拭臍不乾風入作瘡令兒撮口甚者是脾虛也若頻撮口是氣不和也益黃散主之

愚按前證果因浴後拭挹不乾用枯礬為末搽之即愈若兼乳母肝脾有熱助兒為患當用加味

逍遙散以治其母若風入作瘡邪傳于脾撮口者其害匪輕七日內患者其危尤速

胎肥胎熱胎怯

胎肥者生下豐厚目睛粉紅大便乾難時出涎水胎熱者生下血色時叫哭身熱淡黃目睛多赤大便色黃急欲食乳並用浴體法主之

胎怯者生下面白肌肉瘦弱大便白水身無血色哽氣多噦亦用浴體法

按浴體之法乃開發腠理疏泄陽氣者也其胎氣果熱在暑月庶幾可用其或胎怯而用前法恐復傷真氣也然此證屬有餘者胎肥胎熱也因母食膏粱厚味或怒火鬱熱胎怯弱者因父精不足或母氣虛弱用八珍湯父精不足用地黃丸俱加漏蘆令子母俱服

臍風

急欲乳不能食者此風邪由臍而蘊熱心脾致舌厚唇燥不能吮乳也

按前證果因外邪而唇口撮緊者名為臍風多不能救若心脾有熱舌尖痛不能吮乳舌本痛不能送乳者以柳華散敷之若舌下腫如小舌者或舌絡牽痛或齒齦患白星俱用線針刺出毒血亦敷前散若唇腫痛或裂紋作痛以當歸膏調前散敷之若暴病發熱作渴飲冷大便秘結用瀉黃散疏導其熱若病後發熱口渴飲湯大便不實用異功散調補胃氣若服攻伐之劑兼嘔吐或腹痛脾胃復傷也用四君子湯或口角流涎或痰氣壅盛脾不能攝也用六君子湯若兒自食甘肥或母食

酒麵致兒口舌生瘡用清胃散以清熱若作嘔少食泄瀉用白朮散以補脾若手足並冷或腹痛惡寒用六君炮薑以溫中若因乳母飲食勞役失宜致兒發熱用補中益氣湯因乳母肝脾二經血虛內熱傳兒用加味逍遙散八珍湯因乳母肝脾鬱怒血傷內熱致兒為患用加味逍遙散加味歸脾湯俱加漏蘆子亦服數滴仍參前弄舌類凡針重舌以針直刺不可橫挑恐傷舌絡則言語不清

胎黃

若百日或半年不因病而身黃者胃熱胎疸也若淡黃兼白者胃怯也

註初生身黃壯熱不乳便秘此為胎熱用地黃湯若二便赤澀腹脹面赤飲水用茵陳湯調五苓散若清便自調四肢並冷用益黃散淡黃白用調中丸

語遲

若患吐瀉或大便後雖有聲而不能言又能嚙物者非失音此腎怯不能上接于陽也當以地黃丸主之凡口噤不止則失音語遲

註按前證多因稟腎不足蓋腎脈繫于舌本非地黃不能治故患此證者若仰首呵欠則嗽如未應須兼以補中益氣湯滋其化源若陰火上炎肺金受傷而失音者亦治以前法保嬰集云小兒五六歲腎氣不足而不能言者用菖蒲丸口噤不能言者用地黃丸

行遲齒遲

長大不行行則脚軟齒久不生生則不固皆胎弱也

註按前證即五遲之證也蓋腎主骨齒者骨之餘也良由父母精血不足腎氣虛弱不能榮養而然耳有肝腎虛長而不能行者有肝氣虛手足拳攣者有肝腎虛而脚不能舒展者並用地黃丸滋補之有心氣虛而不能言語用團參湯補中益氣湯培養之若久病或五疳所致者但調補脾胃為主全要方云頭項手足身軟謂之五軟證皆胎稟腎氣怯弱也

元張從政儒門事親

夜啼

夫小兒夜啼不止者當用燈花一枚研細隨乳汁下併三服則每服用燈花一枚服罷此藥於淨室中臥一兩日即止也

拗哭不止

夫小兒拗哭不止或一二日或三四日乃邪祟之氣湊于心拗哭不止也有藏經一法以綿絹帶縛手足詛用三姓婦人爭驢槽臥小兒于其中不令傍人知而觀之移時則拗哭自止也

悲哭不止

夫小兒悲哭彌日不休兩手脈弦而緊戴人曰心火甚而乘肺肺不受其屈故哭哭肺主悲王太僕云心燥則痛甚故燥甚悲亦甚今浴以溫湯漬形以為汗也肺主皮毛汗出則肺熱散矣浴止而啼亦止仍命服涼膈散加當歸桔梗以竹葉生薑砂硝同煎服瀉膈中之邪熱

小兒風門

凡小兒三五歲或七八歲至十餘歲發驚涎潮搐搦

如鋸拽不省人事目瞪喘急將欲死者內經曰此者得之在母胎胞之所受悸惕驚駭恐懼之氣故令小兒輕者為驚風天弔重者為癇病風搐胎中積熱者為勝風已上諸風證可用吐涎散吐之吐訖宜珠犀龍麝清涼墜痰之藥其食乳子母皆宜服之安魂定魄之藥定志丸之類是也故婦人懷孕之月大忌悲憂驚怖縱得子必有前疾小兒風熱涎嗽者可以通聖加半夏同煎溫服

朱震亨心法

小兒論

乳下小兒常多濕熱食積痰熱傷乳為病大概肝與脾病為多

小兒易怒肝病最多大人亦然肝只是有餘腎只是不足

小兒夜啼此是邪熱乘心

註夜啼小兒臟冷也陰盛于後則冷動冷動則為陰極發躁寒盛作疼所以夜啼而不歇

小兒變蒸是胎毒散也

幼科全書

胎疾

凡小兒在月內有病者皆胎疾也並治其母小兒月內腸胃甚脆氣血未充若有微疾不可妄施補瀉恐傷臟腑臟腑一傷將貽患于終身或至天命不可戒哉如不得已而用湯丸母伐天和病即止又不可過劑也乳母服藥必別擇乳母乳之而後可補可瀉也若母自乳則不可亂投湯藥蓋產後之婦氣血甚虛有補無瀉苟兒有熱而用涼藥則犯產後之禁

必害其母如有溫補則反助小兒之熱又害其子醫者人之司命偏害之事而可妄為乎必須斟酌謹慎勿損陰驚也

凡小兒生下就死者急看兒口中懸癰前齶上必有泡塞住即以手指摘破其泡速用軟綿拭令血淨若血入喉即死

萬氏曰兒生十日之內常抱向明處視其口中為要

凡小兒初生下氣絕不能啼者必因難產或因冒寒所致急以綿絮包裹于懷中未可輕斷臍帶却將包衣置銚中向炭上以水煮之又作大油炷點著往來于臍帶上下燎之須臾熱氣由臍入腹便能啼哭方可洗浴却斷臍帶若不如是急救便斷臍帶者多死不治

萬氏曰俗名悶臍生即寤生鄉俗有連呼其父乳名即醒者

凡小兒初出胎時被風寒所吹鼻塞服藥不得者用天南星為末生薑自然汁調成膏貼臍門上自愈

萬氏育嬰貼額法加北細辛葱汁更好

凡小兒生後或月內或百日痰多氣喘目閉眼赤眵泪神困呵欠遍身壯熱小便赤澀大便不通時復驚煩此胎熱也因母平日恣食辛熱食服煖藥而致以涼驚丸黃連解毒湯治之

凡小兒生後覺口中冷腹痛腸鳴泄瀉昏多睡或夜啼此胎寒也因母喜啖生冷或有外感多服涼藥致傷胎氣以理中丸勻氣散治之

凡小兒生下浮腫遍身紅色滿月以後漸漸瘦弱五

心煩熱此名胎肥又有生下面無精光身無血色目無精采肌肉瘦削者此名胎怯並宜內服八物湯而外用浴體法

凡小兒生下遍身面目皆黃狀如金色身上壯熱大便不通小便如梔子汁乳食不思此胎黃也因母受熱而傳于胎以地黃湯治之

凡小兒生下壯熱番眼握拳禁口直目涎潮搐熱目閉面青此胎驚也因母忿怒跌撲以致觸胎視其眉間氣色赤而鮮者可治若黑黯者不可治以至聖保命丹金銀燈心湯下

凡小兒生下大小便三五日不通者此名鎖肚胎中受熱熱毒壅盛結于肛門閉而不通無復滋潤急令婦人以溫水漱口吸吮兒前後心并臍下手足心共七處凡四五次再用輕粉五分蜜少許溫水化開時時少許服之以通為度如更不通即是肛門內合或以金簪透而通之須刺入二寸許以香油和蜜納入孔中糞出為快也若肚脹不乳作呻吟聲至于一七難可望生

凡小兒初生時即不吃乳者此由拭口不淨惡穢入腹致令腹滿氣短不能吃乳或有吐嘔乳不得下或胎中受寒令兒腹痛亦不吮乳此則多啼俱以木香散治之

臍風

臍風者由斷臍之後被水濕風冷之氣所乘而流入心脾遂令腹脹臍腫四肢強直日夜多啼不能吮乳甚則發為風搐若臍青腫撮口不開者是為內搐不治爪甲黑者即死

撮口

撮口者由胎氣夾熱兼之風氣入臍流入心脾二經故令舌強唇青口撮喘急啼聲出不乳若口出白沫而四肢冷者不治撮口最為急候一臘之內見之尤甚

噤風

噤風者眼閉口噤啼聲漸少吮乳不得口吐白沫大便皆不通亦由胎中受熱熱毒流入心脾故形見于喉舌間也

此上三證其名雖異受病之源則一初生七日得此證者多不可治若不急救坐以待死良可惜焉

但見小兒噴嚏多啼身熱不乳急看小兒上齶有小泡如粟米大或以指甲或以空耳輕輕刮去以絹纏手指蘸溫水拭淨其血勿令下咽便安妥不必服藥誠良法也

如兒牙關緊急已成撮口驚搐者先用撮風散以開其關次用控痰散以吐其痰後用益脾散以和其胃保命丹祛驚即愈若手足攣拳口噤不開者不治

亦有熱在胃脘伸縮無時呢呢作聲努脹其氣以致臍突浮腫此非斷臍使之然也但散其熱自愈加減龍膽湯主之

亦有肚脹青筋弓腸卵疝內氣引痛而撮口者皆腸胃鬱結不通致之治法貴乎疏利紫霜丸量而與之一粒金丹九妙

西江月

胎黃狀如金色身熱大便難通小便黃赤色朦朧少乳時時舌弄此證傳來母毒脾胃濕熱相攻涼經涼

血解重重保養胎元兼用

外有胎肥胎瘦此為稟賦虛贏父精母血必多虧兒子不充元氣此個甚難調理愚夫不曉支持一朝有病至傾危却把命來抵對

生下時時吐奶不思乳食昏沉此為穢物下咽門拭洗未能潔淨會厭中間阻隔太倉上口留礙餘痰順氣藥通神炮製生薑作引

生下忽然腹脹臍中血水淋漓斷臍將息失其宜客水邪風侵入外用灰礬粘貼速令乾較為奇若還撮口哭聲稀縱有神丹莫治

小兒生下數日睡中啼哭多驚此因母氣失和平常因七情為病以致胞胎氣逆痰涎流入脾心治須順氣更精神鎮墜痰涎始定

胎熱遍身如火發斑丹毒風瘡神昏目痛又驚草大小便難哭嘔此是母食煎炒溫經煖藥乖方急須解毒令清涼甘草黃連為上

胎寒生來吐瀉大便滑溜多清腹中疼痛哭聲頻面色青白不定平日母多生冷寒邪傳入胎經治宜丸散用甘溫可保嬰兒性命

小兒初生病證許多名狀難同胎驚撮口共臍風寒熱瘦肥黃腫嘔吐昏昏不乳臍間血水溶溶未從滿月病來兒好似風中燭弄

最是臍風可畏三朝八日為殃初然噴嚏似風傷啼哭時時炒嚷急看小兒上齶刮破白泡中央展指惡血細端詳莫使下喉為上

若是不知此法致令泡落兒吞忽然腹脹滿膨膨臍腫青筋散亂撮口昏昏不乳目瞪又緊牙關啼聲不

出命歸天勸取衣棺急辦

小兒為何難治古今號曰啞科脈無可診待如何口不能言病作父母時時驚怕醫人試驗誠多從容審證用方藥有甚難為捉摸

要識小兒治法方為業擅專門半週一歲病何因胎毒單單現證自後飲食漸廣肥甘之變須明此時脾胃病多尋消食養脾法定

小兒純陽之體陰陽不可偏傷常帶三分飢與涼此個孩兒易養大抵脾常不足有餘肝氣須防不寒不熱藥為良切忌妄行孟浪

胎病要行解毒無如甘草黃連若加脾弱病相纏參木陳皮有驗巴豆牽牛丁桂砒硫白汞青鉛俱傷正氣損真元悞了孩兒命短

變蒸

此小兒正病者蓋變者變易也每變畢即性情有異于前何者生長臟腑之意也蒸者蒸蒸然熱也萬物生于春長于夏者以陽主生長也于人亦然所以變蒸足始乃成人血氣充實骨肉堅牢也小兒此證譬如蠶之有眠龍之脫骨虎之轉爪而變化同也故每三十二日有一變蒸至五百七十六日大小變蒸足矣輕則發熱微汗其狀似驚重則壯熱脈亂而數或汗或煩啼躁渴輕者五日解重者八日解其候與傷寒相似亦有變蒸之餘感寒邪者但變蒸則耳冷上唇發泡狀如濁珠若寒邪搏之則寒熱交爭腹中作痛而啼哭之聲日夜不絕治此之法輕者不須服藥重者以平和飲子微表之熱甚便祕以紫霜丸微利之若吐瀉或不乳而多啼者以調氣散治之

凡小兒當變蒸之時不熱不驚別無他證者是為暗變此受胎氣壯盛故也

西江月

小兒變蒸何以三十二日為期精神改變異常時發熱蒸蒸昏睡或遇風寒外感或兼乳食傷脾留連苦楚莫差池好把湯丸調治

大抵六十四日初生腎與膀胱再生心火與小腸肝膽第三長養肺與大腸居四脾胃五次猜詳三焦包絡不同鄉只為有名無狀

變蒸發熱此小兒正病不須服藥當于類下求之不可錯誤

小兒變生智慧自然發熱如蒸昏昏不乳欠醒醒恰似蠶眠相應醫者不須妄治父母何必憂驚三日之后自和平莫怕別生形證

若遇風寒外感惺惺散子堪行內傷乳食不安寧保和養脾兼進咳嗽參蘇飲子吐泄理中最靈驚來搐掣用瀉青導赤亦宜選用

明方賢奇效良方

辨小兒生下三月已前中病不治
風噤 猢猻 臍風 撮口 咳嗽 伏聲
木舌 重齶 解顛 項強 胃高

胎熱

凡小兒胎熱者但看初生下肌膚紅白二月已後遍身黃腫眼閉不開作呻吟聲此因胎內有熱或因母服熱藥所致亦謂之血疽治之以辰砂金箔散牛黃膏乳上吮之兼以黃蘗皮煎湯浴之此良法也

變蒸

觀諸變蒸熱作驚須見日角左邊眉間脈紅是也大凡初蒸見一條長一二分在眉上者輕自日角垂至眉上者重變蒸發熱見二條紅者兩三次蒸熱在內不解脈紅帶又因驚而蒸脈青變蒸多次青在左太陽因傷風而蒸自顙門青至眉之上因驚而蒸三處皆青三證皆見若及三十二齒者變蒸足也
萬氏祕傳片玉心書

初生諸疾胎疾

初生三五日大便血膏來黑色為胎糞鮮紅實可哀初生便嘔吐胞漿蓄胃中物盡吐自止不止便為凶小兒初生十日內少乳多啼常噴嚏急看喉中有珠泡手法刮去免憂慮

怕看撮臍風撮臍囊少通急用解毒散便下得從容便閉肚膨脹口緊咬唇青時時手足掣臍風枉用心腹脹不便名鎖肚口緊不乳是噤風目視叫哭盤腸釣天釣身仰似角弓初生芽兒有此病父母歡喜一場空

變蒸休用藥三日自然安外感惺惺散傷食保和丸胎熱甘草黃連湯胎寒去連加桂方胎黃甘草加茵陳胎驚辰砂一味良胎瘦胎肥浴體法胎怯五軟用地黃此是家傳真口訣兒孫記誦莫遺忘
肝色多青心赤紅脾黃肺白腎黑同黃白疳虛黑中惡赤紅是熱青驚風

語遲者由兒在胎之時母受驚邪之氣乘心兒感母氣心神不定不能榮舌故而語遲菖蒲丸主之
受胎母即有驚邪二氣乘心舌本加菖蒲茯神參遠志麥冬當歸乳香砂蜜丸粟大吞二十薄荷湯下語

遲啼

夜啼之證有四驚啼熱煩啼腹痛啼神不安啼驚啼者邪熱乘于心也當安心以導赤散加燈心退心熱以安神丸定心效

熱煩啼者其哭無淚見燈則喜而止以導赤散加麥冬梔子仁治之

腹痛啼者臟冷而痛也面青而無光以溫中藥調理中九益黃散治之

神不安啼者睡中忽覺自哭以安神丸燈心燒灰調湯吞服

又有拂其性而拗哭者要審明白不可妄投湯丸祖傳治夜啼以至聖保命丹燈心灰調湯下甚效

小兒夜啼四證忤驚肚痛心煩如逢拗哭忤家言睡中忽啼驚見肚痛手足厥冷腰曲口氣冰寒心熱煩躁不安眠其證面赤腹暖

既辨夜啼證候其間治法須明分明傳授與人間只得心誠求遍忤驚安神九子理中專治脾痛涼驚錠子治心煩總用燈花妙散

啼哭直視熱在肝瀉青一服即時安啼哭面赤熱在心導赤麥冬效如神

面赤同逆腹中痛益黃散用薑湯送夜夜見燈多拗哭父母嬌愛多不足
幼科發揮

胎疾

小兒初生至周歲者皆為胎疾

氣陽也血陰也人之有生受氣于父陽之變也成形于母陰之合也陰陽變合而成其身身之中形臟四

頭面一也耳目口鼻二也手足三也皮肉筋骨四也神臟五心藏神肝藏魂脾藏意肺藏魄腎藏志是也凡五臟者皆父母一體而分者也形拘于一偏而不能相運者陰之靜也神隨感而動者陽之動也兒之初生只是一塊血肉耳雖有形而無所用雖有五臟而無其神猶空臟也至于變蒸之後皮肉筋骨以漸而堅聲色臭味以漸而加志意智慧以漸而發知覺運動而始成童此天地生物之心至誠不息

有因父母稟受所生者胎弱胎毒是也胎弱者稟受于氣之不足也子于父母一體而分如受肺之氣為皮毛肺氣不足則皮脆薄怯寒毛髮不生受心之氣為血脈心氣不足則血不華色面無光彩受脾之氣為肉脾氣不足則肌肉不生手足如削受肝之氣為筋肝氣不足則筋不束骨機關不利受腎之氣為骨腎氣不足則骨軟此胎稟之病當隨其臟氣求之肝腎心氣不足宜六味地黃丸主之脾肺不足者宜參苓白朮丸主之子之羸弱皆父母精血之弱也所謂父強母弱生女必羸父弱母強生男必弱者也是故兒有頭破顱解神慢氣少項軟頭傾手足痿弱齒生不齊髮生不黑行走坐立要人扶掖皆胎稟不足也並宜六味地黃丸主之

或問胎稟不足之證得于父母有生之初如何醫得予曰諸器破損者尚可補之豈謂胎弱者不可補之乎貴得其要也夫男女之生受氣于父成形于母故父母強者生子亦強父母弱者生子亦弱所以肥瘦長短大小妍媸皆肖父母也兒受父母之精血以生凡五臟不足者古人生地黃丸主之或曰五臟不足

而專補腎何也曰太極初分天一生水精血妙合先生兩腎腎者五臟之根本也經云植木者必培其根此之謂也

胎驚

初生月內非臍風證發搐者此胎驚也宜至聖保命丹金銀磨水送下或用全蠍一枚薄荷葉包炙為末硃砂末三分和勻猪乳調五粒許如常發者名胎痢不可治也

臍風

治未病臍在兩腎之間任衝胃三脈之所係也兒之初生斷臍護臍不可不慎故斷臍之時隔衣咬斷者上也以火燎而斷之次也以剪斷之以火烙之又其次也護臍之法臍既斷矣用軟布纏裹待乾自落勿使犯去也三朝洗兒當護其臍勿使水漬入也臍落之後當換包裙勿使尿濕浸及臍中也如此調護則無臍風之病所謂上工治未病十得十全也

治初病兒生旬日之內臍風為惡病也凡覺小兒噴嚏多啼此臍風欲發之候急抱兒向明處審視口中上齶有泡如珠如米成聚此病根也其色白者初起也黃者久也可用銀毫耳輕手刮出煎甘草薄荷湯拭洗之預取桑白皮汁塗之自此日日視之有即去之不可因循以貽後禍所謂中工治初病十全六七也

治已病不知保護于未病之先不知調護于初病之日其泡子落入腹中變為三證一日撮口二日噤風三日鎖肚證雖不同皆臍風也撮口證兒多啼口頻撮者此臍腹痛也可用雄黃解毒丸加乳香沒藥各

五分丸如黍米大每服五丸竹瀝生薑自然汁送下利去惡涎良外用斬艾炒熱杵爛護其臍頻換使溫煖之氣不絕也不乳者不治

噤風證牙關緊急不能吮乳啼聲不出發搐者不治鎖肚證臍突青腫肚腹脹大青筋浮露大便澀不通者不治

或問臍風三證古人有何謂不治乎曰一臘之內謂初生八日草木方萌稍有觸犯即便折傷經曰根于中者命曰神機神去則機息故噤風者乳食不得入則機廢于上矣鎖肚者便溺不得出則機廢于下矣所謂出入廢則神機倉滅者是也神出機息雖有神丹不可為也豈蜈蚣蠶蠹諸毒藥之可治耶

變蒸

變蒸非病也乃兒生長之次第也兒生之後凡三十二日一變變則發熱昏睡不乳似病非病也恐人不知誤疑為熱而汗下之誅罰太過名曰大惑或誤以變蒸得于胎病者或曰兒之生也初無變蒸既生之後當以三十二日一變至于三百八十四日之後又無變者何也曰初無變蒸者藏諸用陰之闔也中有變者顯諸仁陽之闔也終無變者陰陽闔闔之機成也故不復蒸也故兒之初生語其皮肉則未實也語其筋骨則未堅也語其腸胃則穀氣未充也語其神智則未開發也只是一塊血肉耳至于三百八十四日然後臟腑氣足經絡脈滿穀肉菓菜以漸而食方成人也

物之心人有五臟六腑以配手足十二經絡腑屬陽以配陽卦三十二臟屬陰以配陰卦三十二取其一臟一腑各以三十二日一小變六十四日一大變陽卦之交一百九十二陰卦之交一百九十二合歲並閏月凡三百八十四爻所以變蒸一卦之日三百八十四以應六十四卦爻之數也或曰三十二日一小變六十四日一大變所生者何物也所生之物亦有說歟曰形既生矣復何生也所生者五臟之知覺運動也故初生三十二日一變生足少陰腎水腎之精也六十四日二變生足太陽膀胱壬水而腎之一臟一腑成矣此天一生水矣水之精為瞳子此後始能認人矣九十六日三變生手少陰心丁火一百二十八日四變生手太陽小腸丙火而心與小腸一臟一腑之氣足矣此地二生火也火之精為神此後能嬉笑也一百六十日五變生足厥陰肝乙木一百九十二日六變生足少陽膽甲木而肝與膽一臟一腑受氣足而神合矣此天三生木也木之精為筋此後能坐矣二百二十四日七變生手太陰肺辛金二百五十八日八變生手陽明大腸庚金而肺與大腸一臟一腑之氣足矣此地四生金也金之精為聲此後始能習人語矣二百八十八日九變生足太陰脾己土三百二十日十變生足陽明胃戊土乃脾胃一臟一腑之氣足矣此天五生土也土之精為肉脾胃主四肢此後能匍匐矣三百五十二日十一變生手厥陰心包絡三百八十四日十二變生手少陽三焦三焦配腎主骨髓自此能坐兼能立能行矣變蒸已足而形神俱全矣此正如蠶之眠不如是不足成人

矣凡一變之過則筋骨手足以漸而堅知覺運動以漸而發日異而月不同曰變者變易也曰蒸者發熱也祖訓云變蒸雖是胎疾非胎熱胎毒之可比此少陰生長之氣發育萬物者兒之強者雖有是病不覺氣弱者始見如變後形體漸長知識漸增反為無病兒也故無用治古方黑子散姑置之可也其間或有未及期而發熱者或有變過熱留而不除者抑有他故須詳察之如昏睡不乳則不須治待其自退

兼證

變蒸之時有外感風寒者宜發散惺惺散主之按摩法亦可用也內傷乳食者宜須消導胃苓丸主之輕則節之可也有被驚嚇及客忤者安神丸至聖保命丹如變蒸過受病以治病為主慎勿犯其胃氣咳嗽甘草桔梗湯加阿膠吐瀉理中湯加藿香葉驚風琥珀抱龍丸瀉青丸導赤散如受病後而變蒸養正補脾為主錢氏異功散加對病之藥

夜啼

變蒸發熱甚者發搐只用導赤散瀉青丸主之效心屬火惡熱心熱則煩多夜啼或日夜啼宜導赤散主之

百日嗽

小兒初生至百日內嗽者謂之百日內嗽痰多者宜玉液丸肺虛者阿膠散主之此名胎嗽最為難治如喘嗽氣促連聲不止以致發搐必死

育嬰家祕

孩兒初生襁褓中如苗秀實漸成童四因內外能分

辨治不乖方大有功

幼科立方古有定制兒初生后病者惟以膏丸化而服之蓋以變蒸未定腸胃脆薄恐不勝藥則立調治乳母之法一歲之后則有湯藥與大人同但劑小耳有因氣動而病生于內者如驚病蟲癖之屬驚用安神丸內釣用木香丸蟲用安蟲丸癖用消癖丸有不因氣動而病生于內者如傷乳食之屬初傷以胃苓丸和之和不以保和丸消之消之不去以脾積丸取之量兒虛實勿損胃氣

有因氣動而病生于外者如結核蟲疥丹癰之屬結核用家祕內消丸蟲疥用苦參丸丹癰用砒法有不因氣動而病生于外者如傷風傷寒傷暑傷濕之屬風用瀉青丸防風惺惺散寒用理中丸藿香正氣散暑用涼驚丸黃連香薷飲濕用胃苓丸天水五苓散

胎疾

胎疾初生治最難幼科證治若空談丹溪妙論如繩墨家祕書中次第看

小兒胎病有不治者有可治者嘗觀內經顛疾之文東垣紅絲癰之論則兒疾之生于父母者似乎不必治矣一臘之臍風不治百晬之痰咳難醫未三月而驚搐者凶恰一月而丹癰者死又不可治者矣

今幼科有胎熱胎寒胎肥胎瘦胎驚胎黃之論證治雖詳豈小兒常服之藥也况寒熱者胎胎之餘毒也肥怯者父母之賦予也非惟不可治亦且不必治矣惟丹溪論治胎毒者只調治乳母其法誠幼科之繩墨歟

胎寒者母娠時多熱病乃服寒涼之藥令兒受之生後昏昏多睡間或吮乳瀉白此其候也或百日之內忽病戰慄口冷手足卷曲不伸拘攣握拳腹痛晝夜啼哭不止此生后受寒得之亦名毒胎宜服溫補之劑當歸散主之乳母宜服醴乳當歸散

胎熱者母娠時喜食煎炒辛熱之物或患熱病失于清解使兒受之生後目閉面赤眼泡浮腫常以身努呢呢作聲或時啼叫或時驚煩遍身壯熱小便黃澀此胎熱也若不早治則丹癰瘡癤由此而生宜用淨黃連炙甘草各等分為末入硃砂半之和勻生蜜調成劑每取豆許大納兒口中令其嚥下乳母宜服醴乳赤芍散

胎驚者母娠時曾因驚悸氣傳于子子受之生後頻頻發驚此胎癰也不可治之無功如因有熱發搐者必先啼哭亦名胎驚用燈心湯下東垣安神丸效如搐不止者此真搐也勿治

小兒胎疾有胎稟不足並宜地黃丸有胎毒者如胎熱法所謂胎稟不足者各隨五臟論之如語遲心氣不足也心主言行遲者肝氣不足也肝主筋齒髮不生者腎氣不足也髮者血之餘腎主血齒者骨之餘腎主骨吐瀉頻併者脾胃之氣不足也脾胃為水穀之府啼聲短者肺氣不足也肺主聲

臍風

臍在身中號命關衝任在此養靈根最宜調護無傷損纔少差池減壽元臍在兩腎之間謂之命門乃人之根本也衝任胃三脉皆起于臍之下任脉自中而上至于人中與腎脉

合衝脉二道夾任脉而上散于舌下與脾脉合胃脉二道又夾衝脉任脉而上入于齦中上下往來如環無端故男子十六歲而精行女子十四歲而血動任脉行衝脉滿胃脉實也小兒初生三脉方具而脾之關係尤重也所以斷臍之時不可不慎或剪臍帶太短或結縛不緊致外風侵于臍中或用鐵器斷臍爲冷所侵浴兒時或牽動臍帶水入生瘡客風乘虛而入內傷于腎腎傳肝肝傳心心傳脾脾傳肺肺蘊蓄其毒發爲臍風之病其證面赤啼哭者心病也手足微搐者肝病也脣青口撮痰涎壅塞者脾病也牙關緊者腎病也啼聲不出者肺病也五臟之中略見一二藏形證者病猶可治悉見不能矣

臍風惡候幾遭傷一臘之中最不祥識得病在何處起無求無患早隄防

小兒初生一臘之內惟臍風爲惡候也如臍腫腹痛啼哭不止脣青口撮者曰臍風牙關緊急吮乳不得啼聲不出者曰噤風肚腹脹腸若雷鳴大小便不通者曰鎖肚此三者同一病也但證不同耳俗名馬牙風者是也三證多死臍腫脣撮者脾胃之氣絕于中也噤風乳食不入者心肺之氣絕于上也鎖肚大小便不通者肝腎之氣絕于下也任脉止衝脉閉胃脉散如之何不死欲免此證須要隄防

預防之法小兒初生十日之內但見噴嚏多啼不乳者此將發之候也急抱兒向明處視其喉中懸癰上齶有小泡如珠之樣相聚者即用銀挖耳或手指甲刮去之以軟綿蘸甘草汁拭去其血去之早而泡白者無慮也其色黃或泡痕在而落入腹中者急用珠

砂牛黃麝香各少許研細取猪乳汁調稀抹入口中或取猪乳汁一二匙與兒吞之佳蓋猪乳汁主小兒口噤不開最良或用五苓散加當歸川芎木通木香磨汁入藥內與乳母服或與兒服如上法

若失預防之法其病將來而口漸撮多啼少乳者此腹中痛也與內釣同宜五苓散加酒當歸炒吳茱萸木香乳香沒藥釣藤各二分爲極細末乳拌如芡實大納兒口中服之無時乳母仍服上五苓散又取附子桂等分爲末生薑自然汁調作餅約一分厚與臍相等放在兒臍上以紙托住上用熨斗火熨之如諸證悉見不可治也

按古方治臍風者初用挖涎膏吐風痰次用益胃散和胃又用辰砂膏利驚此良法也又用殭蠶全蠍蜈蚣蜘蛛毒藥以祛噤風者此皆治其標也不治其本而治其標故鮮克有濟者矣然父母愛子之心必欲救之醫有活人之心不可不救也病輕各如以上五苓散爲主蓋五苓散是太陽膀胱之裏藥也澤瀉茯苓以養心安神官桂吳茱萸當歸以伐肝臟寒邪之氣白朮茯苓以去脾臟寒濕之氣木香乳香沒藥以止腹中之痛官桂茯苓澤瀉猪苓又去腎中之濕以釣藤官桂去風之搐以人乳和之或乳母乳化其氣同也若有痰者本方加膽星末口噤者加白殭蠶末更加人參末服之如大便不通者宜三黃解毒丸下之此急則治其標也去其惡毒後如此法治之臍風之病有胎毒者十無一生吾見人家難于子息者所生之子多以臍風死如東垣所論紅瘤之事是以知之

臍瘡者其帶因有所犯而落故根未斂潰腫而成瘡也宜白龍骨枯礬黃藥三味爲末敷之甚妙要宜常看勿使抱裙之內有尿濕也

臍突者小兒多啼所致也臍下爲氣海啼哭不止則觸動氣氣動于中臍突于外理之常也其狀突出者光浮如吹起者捏按則微有聲此證鄉俗但遇婦人挑水來者即抱兒以突臍當擔頭上觸之不拘日數以臍入爲度每試輒效亦良法也吾見小兒臍突者多難養由于多哭也

不乳似臍風小兒生下三日之內忽有不乳者當審問之勿以不乳似臍風治也臍風有多啼撮脣之證若此無之但不乳也有吐乳乳之又吐者或因拭口不淨惡物入腹也用黃連甘草木香木瓜各少許爲末每用少許納兒口中乳汁下如有啼哭不乳者此腹痛也乃胎寒證宜上方去黃連甘草加乳香沒藥以當歸湯少許調藥如上喂之如無上證無故不乳者問其母之乳汁多少多者傷乳也宜少節之不久自思乳矣乳少者必有他證心誠求之

啼哭

孩兒多哭事堪憐何事漣漣晝夜聞饑渴癢痛如不中拂其心意自煩勞

小兒初生百日一周之內神安意靜不妄笑多哭者易養如日夜啼哭不止者難養啼與哭不同啼者無時有聲而無淚也哭者時作時止大號咷而有淚也小兒啼哭非饑則渴非癢則痛爲父母者心誠求之渴則飲之饑則哺之痛則摩之癢則抓之其哭止者中其心也如哭不止當以意度蓋兒初生性多執拗

凡有親狎之人玩弄之物一時不在其心不悅而哭謂之拗哭須急與之勿使怒傷肝氣生病也假如又不止請醫視之如大叫哭晝夜不止者肝熱也宜瀉青丸主之淡竹葉湯入沙糖一豆許化下如日夜啼哭身熱煩躁者心熱也宜導赤散加黃連燈心湯服或用東垣硃砂安神丸燈心湯下神效

夜啼

夜啼四證驚爲一無淚見燈心熱煩面瑩頰青下臍痛睡中頻笑是邪干

夜啼者臟冷也陰虛于夜則冷動冷動則爲陰極發躁寒甚作痛所以夜啼而不歇也釣藤散益黃散主之

其心熱煩啼者必有臉紅舌白赤澀之病宜導赤散加麥冬燈心或東垣安神丸甚效

小兒夜啼見燈即止者此由點燈習慣乃拗哭也驚啼者常在夢中哭而作驚錢氏安神丸主之

有因客忤觸犯禁忌而夜啼者宜四聖保命丹用燈草燒灰和藥杵細乳汁調塗乳上令兒吮之更以術法驗之

胎驚

胎風發搐此胎毒也兒生一臘之內多啼不乳或撮唇或牙關緊或肚大或臍突發搐者此胎驚也謂之真搐生于內者氣喘痰鳴手足冷者不治

變蒸發搐此胎病也因變蒸之後或傷風或傷乳或喫驚或發搐百日之內搐有真假皆曰胎驚真搐者頻發必死假搐者少宜散風化痰安神至聖保命丹主之百日以後發搐口中氣熱此肝旺病也宜瀉青

九竹葉湯入沙糖少許化服後以至聖保命丹安其神如逢變蒸之期必發搐者此胎癇也自內生者若不急治後成終身之病宜安魂鎮心定魄頻頻細與服之以不發爲度祕傳三聖散主之

胎癇者由兒在腹中受驚氣得之生來便有是病不可治也

百辟咳

小兒百日內有痰嗽者謂之百辟咳或因出胎之時暴受風寒或因浴兒之時爲風所襲或因解換襁褓或出懷喂乳皆風之自外入者也或因乳脈湧出吞嚥不及而錯喉者或因啼哭未定以乳哺之氣逆嗆出者此病之從內出者也皆能爲咳如汗下調理之劑難與服之蓋胃氣方生恐藥傷也故曰小兒百辟咳難治

如上百辟嗽一歲及三歲者加以痰涎壅塞逆氣冲併以致發驚搐者多不可治蓋小兒無知痰在咽中不會吞吐往來自任故也將作搐者急進硃砂膏以降去之搐止者吉頻搐者凶故頭搖者目帶上視者閉目呻吟者手足擺舞者肩息胃突者喉中痰鳴者口噤不乳者喘不休者手足冷者咬牙者皆死也

欽定古今圖書集成博物彙編藝術典

第四百二十八卷目錄

醫部彙考四百八

小兒初生諸疾門二

魯伯嗣學嬰童百問 初生 變蒸 驚風 胎毒 胎風 胎瘕 胎疳 胎積 胎毒 胎瘕 胎疳 胎積

王綸明醫雜著 胎風 小兒無補腎法 胎瘕 胎疳 胎積

薛氏保嬰撮要 胎風 胎瘕 胎疳 胎積 胎毒 胎瘕 胎疳 胎積

樓英醫學綱目 百日內不治證 胎瘕 胎疳 胎積 胎毒 胎瘕 胎疳 胎積

徐春甫古今醫統 初生 變蒸 驚風 胎毒 胎瘕 胎疳 胎積

王肯堂證治準繩 初生 變蒸 驚風 胎毒 胎瘕 胎疳 胎積

李挺醫學入門 初生 變蒸 驚風 胎毒 胎瘕 胎疳 胎積

龔廷賢萬病回春 初生 變蒸 驚風 胎毒 胎瘕 胎疳 胎積

小兒衛生總微論方 初生 變蒸 驚風 胎毒 胎瘕 胎疳 胎積

董鳳神活幼精要 初生 變蒸 驚風 胎毒 胎瘕 胎疳 胎積

藝術典第四百二十八卷

醫部彙考四百八

小兒初生諸疾門二

明魯伯嗣學嬰童百問

初誕

楊氏云初生拭口不前惡穢入腹則腹滿氣短不能飲乳者宜用荻苓丸加減治之又法下胎毒臨產落草時濃煎淡豉汁服極好不可與辰砂黃連輕粉等其或乳食宿滯不化當用消乳丸化積溫脾等劑治之

變蒸

巢氏云小兒變蒸者以長氣血也變者上氣蒸者體熱仲陽云變者易也又云變蒸者自內而長自下而上又身熱故以生之日後至三十二日一變每變畢即覺性情有異於前何者生長臟腑意智故也何謂三十二日長骨添精神人有三百六十五骨以象天數以應期歲以分十二經絡故初生至三十二日一變生至屬足少陰經腎臟藏精與志至六十四日二變一蒸生至屬足太陽經膀胱腑其發耳與飢冷腎與膀胱合俱主於水天一生水地六成之至九十六日三變生至屬手少陰經心臟藏神其性為喜至一百二十八日四變二蒸生至屬手太陽經小腸腑其發汗出而微驚心與小腸合主火地二生火天七成之至一百六十日五變生至屬足厥陰經肝臟藏魂喜哭至一百九十二日六變三蒸生至屬足少陽經膽腑其發目不閉而赤肝與膽合主木天三生木地八成之至二百二十四日七變生至屬手太陰

肺臟藏魄主聲至二百五十六日八變四蒸生庚屬手陽明經大腸腑其發膚熱而汗或不汗肺與大腸合主金地四生金天九成之至二百八十八日九變生己屬足太陰經脾臟藏意與智至三百二十日十變五蒸生戌屬足陽明經胃腑其發不食腹痛而吐乳脾與胃合主土天五生土地十成之又手厥陰經心包絡為臟手少陽經三焦為腑此一臟一腑俱無形狀故不變而不蒸也前十變五蒸乃天地之數以生成之然後始生齒能言知喜怒故云始全也太倉云氣入四肢長碎骨於十變後六十四日為一大蒸計三百八十四日長其經脈手足受血故能持物足受血故能行立經云變且蒸謂蒸畢而足一歲之日有餘也師曰不汗而熱者發其汗大吐者微止不可別治又六十四日為二大蒸計四百四十八日又一百二十八日為三大蒸共計五百七十六日變蒸既畢兒乃成人也變者變生五臟也蒸者蒸養六腑也所以成人變者上氣蒸者體熱每經一變一蒸情態則異輕則發熱微汗其狀似驚重則壯熱脈亂而數或吐或汗或煩啼躁渴輕者五日解重者七八日解其候與傷寒相似亦有變蒸之餘續感寒邪者但變蒸則耳冷飢冷上脘發泡狀如濁珠若寒邪搏之則寒熱交爭腹中作痛而啼叫之聲日夜不絕變者易也蒸於肝則目眩微赤蒸於肺則咳嗽毛聳凡五臟六腑筋脈骨節皆循環各有證應其治法平和者微表之實熱者微利之或不治亦自愈可服紫霜丸一丸或二丸并黑散子柴胡湯變蒸者有寒無熱并吐瀉不乳多啼者當歸散調氣散主之變蒸之外小

兒如常體貌情態自然端正鼻內喉中絕無涎涕頭如青黛脣似朱鮮臉腮如花映竹情意若天淨月明喜引方笑似此平安議曰人得中和之道以為純粹陰陽得所剛柔兼濟氣血相和百脉相順所以心志益通精神俱備臟腑充實形體固壯凡觀嬰孩顙顙固合睛黑神清口方背厚骨蠶臂滿臍深肚軟齒細髮黑聲洪睡穩此乃受氣充足稟賦得中而無疾也

噤風撮口臍風

初生噤風撮口臍風三者一種病也噤風者眼閉口

噤啼聲不出舌上聚肉如粟米狀吮乳不得口吐白沫大小便皆通蓋由胎中感受熱氣流毒於心脾故形見於喉舌間也抑亦生下復為風邪擊搏所致自滿月至百二十日見此名曰犯風噤依法將護防於未然則無此患撮口者面目黃赤氣息喘急啼聲不出蓋由胎氣挾熱兼風邪入臍流毒心脾之經故令舌強脣青聚口撮面飲乳有妨若口出白沫而四肢冷者不可救其或肚脹青筋弔腸卵疝內氣引痛皆腸胃鬱結不通致之治法貴乎疏利撮口最為惡候一臘內見之尤急臍風者斷臍之後為水濕風冷所乘風濕之氣入於臍而流於心脾遂令肚脹臍腫身體重著四肢柔直日夜多啼不能吮乳甚則發為風搐若臍邊青黑撮口不開是為內搐不治爪甲黑者即死其或熱在胃堂伸引努氣亦令臍腫可與千金龍膽湯如前三者受病之源非一朝一夕大抵裏氣鬱結壅閉不通並用所下胎毒天麻丸定命丹朱銀丸之類可量與之千金論云小兒始生其氣尚盛若有微患即須下之若不時下即成大疾疾成則難療

矣紫霜丸可量與之治風噤用控痰散吐風痰不若用甘草湯吐痰極穩然後和胃益脾散加減用又用辰砂膏利驚即愈或手握拳禁口不開者不治又撮口用蠶蠶膏傳唇口中或甘草湯撮風散臍風用瓜蒂散湯氏治嬰兒因剪臍傷於外風致臍瘡不乾用白礬龍骨為末少許傳之又用舊綿少許燒灰為末乾糝之效議曰斷臍不盈尺一臘之內隨其根帶白腐實者深之弱者淺之淺深之理以其稟賦得之初生之兒有熱在胃堂則頻伸引呃呃作聲努脹其氣抑入根本之中所以臍突腫赤虛大可畏無識之夫將謂斷臍不利而使之然者非也此乃由胎中母多驚悸或因食熱毒之物所作宜與大連薤飲子其熱自散其臍歸本不必以藥傳之此證亦宜早治久則難療也又有一法小兒臍風撮口初生七日內患此證者百無一生如坐視其斃者良可憫焉此法極驗世罕有知者凡患此證看兒齒齦上有小泡子如粟米狀以溫水蘸熟帛裹指擦破便安不用服藥亦良法也安臍散治臍中汁出或赤腫用白石脂末日三度傳之或油髮灰或當歸末傳亦佳

胎驚風

胎驚風者以胎婦調適乖常飲酒嗜慾忿怒驚撲母有所觸胎必感之或外挾風邪有傷於胎故子乘母氣生下即發也其候月內溫壯翻眼握拳噤口身腰強直涎潮嘔吐搐掣驚啼哭腮縮頭開眼合莫誤作慢脾妄用溫藥視其眉間氣色紅赤鮮碧者可治若色黯青黑者不治虎口指紋曲入裏者可治反出外者不治其治法解散風邪利驚化涎調氣貼頤甚

則以朱銀丸利之面青拳搐者當服保命丹鈞藤散

胎風遍身軟

此證生下如湯火潑因胎熱母肥如腦額生瘡難治乃胎內失於扶持如脚上有瘡爛此兒不滿五年如未滿臘前便撮口兩拳相握腰項如隨便知臟腑之中生邪毒此只三朝定不可療男指向裏女指向外尚可醫治逆候則不須投藥餌矣便看眉中有青筋碧色應須有命若眉紅斷不可治如有可治之證但用全蠍散鈞藤散等劑

五軟

五軟者頭軟項軟手軟脚軟肌肉軟是也無故不舉頭腎疳之病項脈軟而難收治雖暫瘥他年必再發手軟則手垂四肢無力亦懶擡眉若得聲圓還進飲食乃慢脾風候也尚堪醫治肌肉軟則肉少皮寬自離喫食不長肌肉可服錢氏橘連丸莫教瀉利頻併卻難治療脚軟者五歲兒不能行虛羸脚軟細小不妨榮衛但服參芪藥等味併服錢氏地黃丸長大自然肌肉充滿又有口軟則虛舌出口陽盛更須隄防必須治腸御無妨腎青氣喘則難治也

五硬

五硬者仰頭取氣難以動搖氣壅疼痛連胃腸間脚手心如冰冷而硬此為風證難治肚大青筋急而不寬用去積之劑積氣消即安恐面青心腹硬者此證性命難保如風證只依中風治之必有回生之理小續命湯加減治之尤良羌活散等劑皆可用

夜啼客忤驚啼

夜啼者臟冷也陰盛於夜則冷動冷動則為陰極發

躁寒盛作疹所以夜啼不歇也鈞藤散主之或心熱煩啼必有驗紅舌白小便赤澀之證鈞藤散去當歸木香加硃砂木通煎湯調下又有觸犯禁忌而夜啼者用醋炭熏可服蘇合香丸客忤者小兒神氣嫩弱外邪客氣獸畜異物暴觸而忤之其候驚啼口出青白沫水穀鮮雜面色變易喘息腹痛反側痠癢狀似驚癇但眼不上竄脈來弦急而數視其口中懸癰左右若小小有腫核即以竹針刺潰之或以爪甲摘破亦佳治法辟邪正氣散驚定心為上延久則難為力也凡客忤中惡急作醋炭或降真香皂角併用熏之仍服蘇合香丸即自痊愈治驚啼拗哭本事方龍齒散主之又有花火膏亦卒急可用也論曰心藏神神安則臟和故小兒晝得精神安而夜得穩睡若心氣不和邪氣乘之則精神不得安故暴驚而啼叫也安神散等劑治之又有軀啼之證小兒胞胎中其母將養失宜傷於風冷則邪氣入於胞胎既生之後冷氣停留復因乳哺不節邪氣與正氣相搏故腹痛脹服感是氣而啼也牛黃丸等劑主之冷甚者理中丸主之

胎疾

胎疾謂月數將滿母失調護或勞動氣血相干或坐臥饑飽相役或飲酒食肉冷熱相制或恐怖血脈相亂胎氣有傷兒形無補有胎熱胎寒胎黃胎肥胎弱等證胎熱則兒在胎中母多驚悸或因食熱毒之物誕生之後兒多虛痰氣急喘滿眼目眵淚神困呵欠不得伸舒呃呃作聲大小便不利或通利即有血水甚則手常拳緊脚常搐縮眼常邪視身常掣跳皆由

胎中受熱宜速與大連薊飲子解散諸熱次與消風散數服無恙其胎驚胎風自見本證茲不贅述胎寒則兒在胎中母因感受寒邪或喜食生冷過度寒盛則腸鳴洩利邪氣以亂其真氣治寒邪當用和解治臟寒則溫臟寒甚則有盤腸內釣皆因寒而得之大便青者是也各有本證見之胎黃候則小兒生下遍體面目皆黃狀如金色身上壯熱大便不通小便如梔子汁乳食不思啼叫不止皆因母受熱而傳于胎也凡有此證乳母可服生地黃湯仍忌熱毒之物胎肥則生下肌肉厚遍身色紅滿月以後漸漸羸瘦目白睛粉紅色五心煩熱大便難時時生涎浴體法主之胎弱則生下面無精光肌肉薄大便白水身無血色時時哽氣多噁目無精彩亦當浴體法治之凡胎氣稟賦有壯有弱其母飲食恣令饑飽起止無忌令兒得疾不寒即熱不虛即怯熱乃作壅塞乃作洩虛則作驚怯則作結寒則溫之熱則涼之虛則壯榮怯則益衛驚用安神丸結用微利詳審用之可保無虞不若古人胎教之法決無諸證生子必形容端正為世之英傑也

語遲

巢氏云小兒四五歲不能言蓋人之五臟以心之聲為言所不能言者由在胎時其母卒有驚怖內動於兒臟邪氣乘於心故令心氣不足而不能言也宜服錢氏菖蒲丸以意加減久服取效

百晬內嗽

此名乳嗽實難調理亦惡證也當審虛實而施治焉實者散之虛者補之其證氣壅痰盛口瘡眼熱發散

後可利之比金丸等藥主之散其實也其證嘔吐後驚悸困倦自汗當用補肺散益黃散天麻散補其虛也大抵治驚嗽琥珀散主之天麻丸乃要藥也用天麻蠟退蠶蠶川芎人參甘草研砂天竺黃牛膽南星白附子雄黃末之煉蜜丸如芡實大金丹箔為衣每服一九薄荷湯化下治未滿百晬咳嗽不止遠勝諸藥也

王綸明醫雜著

臍風

小兒初生百日內臍風方書率用南星蠶蠶等風藥多不效當作胎毒瀉陽明火邪馬牙亦是胎毒用針挑破桑樹白汁塗之桑汁主小兒鵝口及口瘡舌上瘡神效初生小兒時時與看頻傳桑汁不然舌硬緊漸至撮口難治

按曾世顯云嬰兒一七之內肚腹脹硬臍畔浮腫撮口不開攢眉而叫名臍風或因剪臍帶少短或因束縛不緊牽動風入臍中或因鐵器斷臍冷氣入內傳於脾絡致舌強唇青手足微搐不能吮乳啼聲似鴉喉痰潮響急掐破口泡去其毒水以艾灸臍中亦有復生者治法多端無如灸法或以

天南星一錢生薑自然汁調灌為妙

小兒無補腎法

小兒無補腎法蓋稟父精而生此天一生水化生之源腎之根也此根日賴脾胃乳食水穀長養男至十六而腎始充滿既滿之後婚媾妄用虧損則可用藥補之若受胎之時稟之不足則可無補藥之原足又何待於補耶

註按小兒行遲齒遲解頤頤填五軟鶴膝腎疳齒
豁睛白多愁凡此皆因稟受腎氣不足當以六味
地黃丸加鹿茸補之若因精氣未滿而御女以通
多致頭目眩暈作渴吐痰或發熱足熱腰腿痠軟
或自汗盜汗二便瀉痛變生諸疾難以名狀余嘗
用六味八味二九及補中益氣之劑加減用之無
不奏效

薛氏保嬰撮要

疳風

疳風宜先用龍膽湯天麻丸之類以去痰涎後用益
脾散之類補脾胃若疳邊青黑手拳口噤是為內搐
不治受病之源皆因乳母七情氣鬱厚味積熱所致
若爪甲黑伸引努力疳突者用大連翹飲子之類又
田氏治噤風用天南星末一錢片腦少許以指蘸薑
汁擦齦立開丹溪用赤足蜈蚣去足炙為末以豬乳
調五分徐徐灌之或用牛黃以竹瀝調服一字隨以
豬乳滴於口中聖惠方用鬱金藜蘆瓜蒂為末水調
搗鼻中錢氏云撮口因浴後拭臍風邪所入而作用
益黃散補之無擇云視其齒齦有泡擦破口既開用
真白殭蠶為末蜜調塗口內保嬰集云小兒百日疳
風馬牙當作胎毒瀉足陽明火用針挑破以桑樹白
汁塗之又云初生小兒時時宜傳桑汁不然多有舌
硬撮口之證竊謂疳風果因浴拭外傷皮膚者用綿
灰或枯礬抹擦即愈若因乳母肝脾鬱怒致兒為患
當治其母若因剪臍短少或因束縛不緊或因牽動
風入臍中或因鐵器斷臍冷氣傳於脾絡以致前證
者口內有小泡急掐破去其毒水以艾灸臍中亦有

生者

胎驚

小兒胎驚風當散風利驚化痰調氣及貼額法甚則
以硃銀丸下之若面青拳搥用保命丹釣藤散全蠍
散之類大抵小兒臟腑脆弱不可輒用銀粉鎮墜之
劑反傷真氣多致不救者且妊娠每月各有經脈滋
養一月屬肝二月屬膽三月屬心四月屬小腸五月
屬脾六月屬胃七月屬肺八月屬大腸九月屬腎十
月屬膀胱多因妊娠時受患而作也須察於某月受
病在某經和其陰陽調其脾胃兼以見證之藥佐之
無有不愈

胎風

小兒初生其身有如湯潑火傷者此皆乳母過食膏
粱所致也其母宜服清胃散及逍遙散以清其氣血
兒亦飲數滴可也身無皮膚而不嫩赤者皆由產
母脾氣不足也用粳米粉傳之熨赤發熱者皆由產
母胃中火盛也用石膏傳之經謂脾主肌肉肺主皮
毛故知病脾肺也如腦額生瘡者火土相合遂成濕
熱下流攻擊腎水也難治如脚上有瘡者陰虛火盛
也此不滿五歲而髮如未滿月而撮口握拳腰軟如
隨者此肝腎中邪勝正弱所致也三日內必不治若
因大病虧損胃氣而諸臟虛弱所致者用補中益氣
湯錢氏地黃丸若面唇赤色正屬腎水不足肝經陰
虛火動而內生風熱爾當滋腎水以制陽光其身軟
者內稟氣不足肌肉未堅也當參五軟而施治之

五軟

五軟者頭項手足肉口是也夫頭軟者臟腑骨脈皆

虛諸陽之氣不足也乃天柱骨弱腎主骨足少陰太
陽經虛也手足軟者脾主四肢乃中州之氣不足不
能營養四肢故肉少皮寬飲食不為肌膚也口軟者
口為脾之竅上下齦屬手足陽明陽明主胃脾胃氣
虛舌不能藏而常舒出也夫心主血肝主筋脾主肉
肺主氣腎主骨此五者皆因稟五臟之氣虛弱不能
滋養充達故骨脈不强肢體痿弱原其要總歸於胃
蓋胃水穀之海為五臟之本六腑之大源也治法必
先以脾胃為主俱用補中益氣湯以滋化源頭項手
足三軟兼服地黃丸凡此證必須多用二藥仍令壯
年乳母飲之兼慎風寒調飲食多能全形

五硬

五硬者仰頭取氣難以動搖氣壅作痛連於胃膈脚
手心冷而硬此陽氣不營於四末也經曰脾主四肢
又曰脾主諸陰令手足冷而硬者獨陰無陽也故難
治若肚筋青急者木乘土位也急用六君子湯加炮
薑肉桂柴胡升麻以復其真氣若係風邪當參驚風
治之此證從肝脾二臟受病當補脾平肝仍參瘳證
急慢驚風門治之

胎證

小兒胎證謂胎熱胎寒胎黃胎肥胎弱是也胎熱者
初生旬日之間目閉色赤眼泡腫啼叫驚煩壯熱溺
黃此在胎中受熱及膏粱內蘊宜用清胃散之類胎
寒者初生百日内或手足攣屈或口噤不開此在胎
母過食生冷或感寒氣宜用五味異功散之類胎黃
者體目俱黃小便便泌不乳啼叫或腹膨泄瀉此在
胎母過食炙煇辛辣致生濕熱宜用生地黃湯之類